


南城縣志

40.19
40250.123

38

部 = 17



南城縣志卷九之一

藝文

不朽有三立言其一也願言有通達治體者有表章經義者有宗先儒而牖後進者有資考證而敦風雅者鉅於方簡藏之名山久而就湮謂非後賢之責耶南城人文淵藪著作如林其中研窮義理維持風化興除利病闡發幽光宣於精意之文爲立政立心所資藉肝江文集中庸衍義圭峰奏議四書一貫諸書夙乎尙已又若景會於心情感於物領江山風月抒爲有韻之詞章亦或感事因時懷人悼故慷慨激昂之

南城縣志

卷九之一

藝文

一

語纏綿悱惻之思葩華揚扈則流黃體素陳焉鴻大淵涵則烟原雲隔攬焉觸緒生文上符五緯之旨緣隙奮筆流爲千載之觀使非考古蒐今宏收博採則疎影不入鄧林清渠不登山經庸有是哉是故沿而錄之求而增之雖隘於卷帙而文章有所闢繫則未敢以臆見爲棄存後之作者覽斯文之所由傳是亦可以知所仰止矣作藝文志



宸翰

公讀

昭代宸章因事賁及斯邑者不過日月之容光河海之涓滴耳而繇此觀之用褒則春溫共藹用卹則秋肅同清大哉

王言度越千古矣他如往載所垂或飛翰於黼座或視草於鸞臺亦莫不樹骨摘華有高文典冊之美焉小言詹詹烏得而模之也謹續編次以冠藝文簡端

康熙四十九年三月初九日奉

上諭南書房侍直大學士陳廷敬詹事府少詹事梅之珩等朕

南城縣志

卷九之一

宸翰

一

留意典籍編定羣書比年以來如朱子全書佩文韻府淵鑑類函廣羣芳譜併其餘各書悉加修纂次第告成至於字學並闕切要尤宜酌訂一書字彙失之簡略正字通涉於汎濫兼之各方風土不同南北音聲各異司馬光之類篇分部或有未明沈約之聲韻後人不無訾議洪武正韻雖多駁辯迄不能行仍依沈韻朕嘗參閱諸家究心考證凡蒙古西域洋外諸國多從字母而來音由地殊難以牽引大抵天地之音發於人聲人聲之象形寄於點畫今欲詳略得中歸於至當增字彙之闕遺刪正字通之繁冗

勒爲成書垂示永久爾等酌議式例具奏欽此

李觀試太學助教勅

宋皇祐二年七月

勅建昌軍草澤李觀藩臣仲淹以觀所著文二十四篇來上予俾禁掖近侍詳較皆曰學業優議論正有立言之體且履行修整誠如薦章所云故特以一命及爾爾其益自進於道勿患朝廷之不知也可特授將仕郎試太學助教不理選限

李觀授主簿說書勅

宋嘉祐三年七月

勅將仕郎試太學助教說書李觀夫太學者朕所以出教化而賢士之所由進行誼也師儒之官可輕授乎爾醇明茂美通於經術東南士人推以爲冠自佐學政逾年於茲孜孜渠渠務恪南城縣志
卷九之一
宸翰
三
厥守祭酒司業以爲博士之職莫宜於爾是用推恩爾其悉心使諸生矻矻興於廉讓而服於教訓則其善也可特授通州海門縣主簿太學說書散官如故

賜知建昌軍沈造勅書

宋嘉祐三年

勅沈造省所進奉銀珠稻米一十石計一百黃絹袋事具悉爾職守軍符政兼民穡樂此有秋之實擇其嘉穀之英式陳常貢之儀彌體恪官之意故茲示諭想宜知悉冬寒汝比好否遣書指不多及

賜知建昌軍楊儀勅書

宋嘉祐四年八月十六

勅楊儀勸力農而務本惟汝之官登嘉穀以告豐乃時之瑞燦然良實來効貢囊載惟修職之勤式緩憂民之意省閱於再歎尙不忘

蔡冠卿父充贈官誥 宋嘉祐八年

朕承先帝休德永言孝思推在已之誠欲及人之親蓋所以廣孝思也審刑院詳議官宣德郎新授尙書屯田員外郎騎都尉賜緋魚袋蔡冠卿父皇任提點刑獄司封員外郎累贈光祿少卿充以德自表以壽自終厥生令人服在朝序嗣恩之及痛賁幽原魂而有知其亦欽服可特贈光祿卿

南城縣志

卷九之一

宸翰

四

蔡端卿父充贈官誥 宋元豐元年

勅宣奉郎太子中舍賜緋魚袋蔡端卿父皇任荆湖北路提點刑獄公事司封員外郎贈工部尙書充朕欵謁嘉壇推文祖以侑上帝而四海皆以其職來祭維汝有子服采於朝乃卽其孝思賁汝於泉壤可特贈禮部尙書

封麻姑勅 宋元豐六年九月

勅神仙所宅佑此一方赴感應祈慶祥屢下姑從人願開號賜封冀能歆嘉以永民福可封清真夫人

再封麻姑勅 宋元祐元年

勅眷惟仙都之境已啟清真之封守臣建言欲加顯號朕何惜
徽名釋禮不以慰一方父老子弟之心哉歆我茂思永錫靈佑
可封妙寂真人

加封麻姑勅 宋宣和六年

勅欽承妙道寅奉至真遐瞻絕阜之靈夙駐列仙之馭眷蒙仁
於孚佑宜稱禮以褒嘉建昌軍麻姑山仙都觀妙寂真人練體
九和超功十極嘗遊戲於變化復應誠於感通玉字赤文揭華
衮之榮麗丹臺瓊府配德名之顯尊尙祈冲鑒之臨永茂珍祺
之錫可特加真寂冲應元君

南城縣志

卷九之一

宸翰

五

黃樞贈官誥 宋嘉定三年

小醜跳梁敢干城邑汝以法椽與聞軍謀親冒兵鋒殞身弗避
凜然節義可媿偷生通籍金閨併錄其後身雖不幸名則無窮
可特贈通直郎

草書歌賜程南雲 明宣宗

草書所自何所授初變楷法爲章奏當時作者最德名崔瑗杜
度張伯英三人真蹟已罕見後來繼之有羲獻筆端變化妙入
神逸態雄姿看勁健風驚電掣浮雲飛蛟龍奮躍猛虎馳漢晉
草法千載師張顛藏真亦絕奇一代精藝才數輩遺墨千人萬

人愛固知頓拙出腕力亦用飛動生神采古來篆籀今已譌何况隸草譌愈多吾書豈必論工緻誠懸有言當默識

陶復進階勅 明景泰七年八月

勅曰朝廷設監察御史欲其振紀綱而勵風俗以弼成國家之治厥任匪輕必得其人庶克有稱爾貴州道監察御史陶復發身賢科擢官風紀克秉振勵之公茂致激揚之譽歷年既久考稱厥官茲特進爾階文林郎錫之誥命用是褒榮夫官以察為名以言為職貴達大體而洞庶務進君子而抑小人其益端爾志堅爾守毋私於法毋市於恩毋許以為直毋徼以為明慎以

南城縣志

卷九之一

宸翰

六

居之公以行之懋修不怠尙有榮名

陶靖進階勅 明天順八年七月

勅曰大理寺之設司務於一寺之務皆所當問秩雖卑而任則要矣爾南京大理寺司務陶靖發迹成均擢任斯職歷年既久克効勞動是用進爾階登仕佐郎錫之勅命以為爾榮於戲士之仕也不必計秩之崇卑惟其稱而已能稱其職斯可進於顯榮往益懋懋毋或不祗

張昇予告勅 明正德二年

勅曰卿以端重之資該博之學自憲祖朝射策為天下第一遂

入翰林陟春坊事我孝考於青宮左右執經朝夕啟沃中間雖
出官南京我孝考睠懷舊學旋召還之由宮尹進貳春官正位
宗伯典故諳悉持守不渝凡有議論恒存大體肆朕卽位任委
益隆而乃屢貢封章引疾乞休朕重惜老成之去而憫勞以職
務之煩特俞所請以遂本懷仍加太子太保給驛還鄉令有司
月給米四石歲給輿隸四人以示寵卿歸其優游慕景表率鄉
閭益俾壽域以綏恩命卿有知止之名朕有優賢之義不其休
哉故勅

敬一箴

有序明嘉靖一年月製頌

南城縣志

卷九之一

宸翰

七

夫敬者存其心而不忽之謂也元后敬則不失天下諸侯敬則
不失其國卿大夫敬則不失其家士庶人敬則不失其身禹曰
后克艱厥后臣克艱厥臣五子之歌有云予臨兆民如朽索之
馭六馬爲人上者奈何不敬其推廣敬之一言可謂明矣一者
純乎理而無雜之謂伊尹曰德惟一動罔不吉德二三動罔不
凶其推廣一之一言可謂明矣蓋位爲元后受天付託承天明
命作萬方之君一言一動一政一令實理亂安危之所繫若此
心忽而不敬則此德豈能純而不雜哉故必競懷畏慎於郊禋
之時儼神明之鑒享發政臨民疇莊戒謹惟恐拂於人情至於

獨處之時思我之咎何如改之不吝我之德何如勉而弗懈凡諸事至物來究夫至理惟敬是特惟一是一協所以盡爲天子之職庶不忝厥祖厥親由是九族親之黎民懷之仁覃及於四海矣朕以冲人纘承丕緒自諒德惟寡昧勉而行之欲盡持敬之功以馴致乎一德其先務又在虛心寡欲驅除邪逸信任耆德爲之匡輔敷求善人布列庶位斯可行純王之道以坐致太平雍熙之至治也朕因讀書而有得焉乃述此以自勗云

人有此心萬理咸具體而行之惟德是據敬焉一焉所當先務匪一弗純匪敬弗聚元后奉天長此萬夫發政施仁期保鴻圖

南城縣志

卷九之一

宸翰

八

敬怠純駁應驗頓殊徵諸天人如鼓答桴朕荷天眷爲民之主德或不類以爲大懼惟敬惟一執之甚固畏天勤民不遑寧處曰敬惟何怠荒必除郊則恭誠廟嚴孝趨肅於明廷慎於閒居省躬察咎儆戒無虞曰一維何純乎天理弗參以三弗貳以二行顧其言終如其始靜虛無欲日新不已聖賢法言備見諸經我其究之擇善必精左右輔弼貫於忠貞我其任之鑒別必明斯之謂一斯之謂敬君德旣修萬邦則正天親民懷永衍厥慶光前裕後綿衍蕃盛咨爾諸侯卿與大夫以至士庶一遵斯訓主敬協一罔敢或渝以保祿位以完其軀古有盤銘自接心警

湯敬曰躋一德受命朕爲斯箴拳拳希聖庶幾湯孫底於嘉靖
賜益王諡冊 明嘉靖十九年五月

制曰朕惟先王之典生有爵者歿必有諡爵以貴其身諡以表
其行此古不易之常道也叔父益王樂善循理早著賢譽宜福
壽之兼備以光重於藩邦乃疾疢遽嬰藥石弗效倏聞長逝痛
何可言眷念親賢宜申冊命茲特諡曰端靈爽不昧庶克歆承

諭祭鄧鍊文

明萬曆三十年二月

皇帝遣江西分守湖東道按察司副使薛士彥諭祭原任太僕
寺卿鄧鍊文曰惟爾器宇醇良才猷敏達賢科邁迹郡理著聲
南城縣志 宸翰
卷九之一 九
肅風紀於烏臺佐平反於棘寺方司罔牧遽返邱園未遂賜環
已經屬纊特頒祭葬尙克歆承

順治六年

諭自兵興以來地多荒蕪民多逃亡流離無告深可憫惻著戶部都察院傳諭各撫按轉行道府州縣有司凡各處逃亡人民不論原籍別籍必廣加招徠編入保甲俾之安心樂業查本地方無主荒田州縣官給以印信執照開懇耕種永准爲業俟耕至六年之後有司官親察成熟畝數撫按勘實奏請奉旨方議徵收錢糧其六年以前不許開徵不許分毫僉派差役如縱容衙官衙役鄉約甲長借端科害州縣印官無所辭罪務使逃民復業田地開懇漸多各州縣以招民設法勸耕之多寡爲優劣道府以善處責成催督之勤惰爲殿最每歲終撫按分別具奏載入考成該部院速頒速行

順治九年

欽定六諭卧碑文

頒行八旗直隸各省

六諭文曰孝順父母恭敬長上和睦鄉里教訓子孫各安生理

無作非爲

順治十三年

諭禮部朕惟治天下必先正人心正人心必先黜邪術儒釋道
三教並垂皆使人爲善去惡反邪歸正遵王法而免禍患此
外乃有左道惑衆如無爲白蓮聞香等教名色起會結黨夜
聚曉散小者貪圖財利恣爲姦淫大者招納亡命希謀不軌
無知小民被其引誘迷罔顛狂至死不悟歷考往代覆轍昭
然深可痛恨向來屢行禁飭不意餘風未殄墮其邪術者實
繁有徒京師輦轂重地借口進香張幟鳴鑼男女雜糅喧填
衢巷公然肆行無忌若不立法嚴禁必爲治道大蠹雖倡首

南城縣志

卷九之一

宸翰

三

奸民罪皆自取而愚蒙陷網罹辟不無可憫爾部大揭榜示
今後再有踵行邪教仍前聚會燒香歛錢號佛等事在京著
五城御史及地方官在外著督撫按道有司等官設法緝拿
窮究奸狀於定律外加等治罪如或徇縱養亂爾部卽指參
處治特諭

順治十四年

御製賦役全書序朕惟古帝王臨御天下必以國計民生爲首務故禹貢則壤定賦周官體國經野法至備也當明之初取民有制休養生息至萬厯年間海內殷富家給人足及乎天啟崇禎之世因兵增餉加派繁興貪吏緣以爲奸民不堪命國祚隨之良足深鑒朕荷

上天付託之重爲民生主一夫不獲亦疚朕懷凡服御膳羞深自約損然而

祖宗百神軍旅燕饗犒錫之繁以及百官庶役餼廩之給罔不

南城縣志

卷九之一

宸翰

十三

取之民間誠恐有司額外加派豪蠹侵漁中飽民生先因國計何資茲特命戶部右侍郎王宏祚將各直省每年額定徵收起存總撤實數編撰成帙詳稽往牘參酌時宜凡有參差遺漏悉行駁正錢糧則例俱照萬厯年間其天啟崇禎時加增盡行蠲免地丁則開原額若干除荒若干原額以萬厯刊書爲準除荒以覆奉御旨爲憑地丁清核次開實徵又次開起存起運者部寺倉口種種分晰存留者款項細數事事條明至若九釐銀舊書未載者今已增入宗祿銀昔爲存留者今爲起運漕白二糧確依舊額運丁行月必令均平胖襖盛

甲昔解本色今俱改折南糧本折昔留南用今抵軍需官員
經費定有新規會議裁冗改歸正項本色絹布顏料銀朱銅
錫茶蠟等項已改折者照撫題價值開列解本色者照刊書
價值造入每年督撫確察時值題明填入易知單內照數辦
解更有昔未解而今宜增者有昔太冗而今宜裁者俱細加
清核條貫井然後有續增地畝錢糧督撫按彙題造冊報部
以憑稽核綱舉目張勒成一編名曰賦役全書頒布天下庶
使小民遵茲令式便於輸將官吏奉此章程罔敢苛斂爲一
代之良法垂萬世之成規雖然此其大略也若夫催科之中

寓以撫字廣招徠之法杜欺隱之奸則守令之責也正已率
屬承流宣化覈出納之數慎那移之防則布政司之責也舉
廉懲貪興利除害課殿最於荒墾昭激揚於完欠恪遵成法
以無負朕足國裕民之意則督撫之責有特重焉其敬承之
毋忽

康熙四年

諭總督巡撫皆係倚任重臣若秉躬清正爲下官表率使民生得所如可稱能副倚任之意這種禮物俱以爲常例各督撫反稱某州縣上等某州縣下等按定數目公然收受州縣官員俱自民間派取餽送以致生民至於極窮若上官果能清正下官何敢私派於民民若止納定額錢糧安得至於極窮觀今民生困窮皆由上官作此等種種弊端所至甚明以後各督撫如再不改此等弊端仍然踵行著科道官採訪指名糾參定行從重治罪決不饒恕其司道府廳各官亦行此

南城縣志

卷九之一

宸翰

十五

項弊端不改仍取之州縣各官州縣各官有不革此陋習仍私派取於民者著督撫不時嚴察參奏若徇情不行參奏經科道糾參或旁人出首將不糾參之督撫一併從重治罪爾部院通行直省曉諭